

東漢會要

六

東漢會要卷第十一

平議郎武學博士臣徐

文學上

帝學



光武天鳳中之長安受尚書略通大義自隴蜀平後未嘗復言軍旅每日視朝日昃乃罷數引公卿郎將講論經理皇太子見帝勤勞不怠承間諫曰陛下有禹湯之明而失黃老養性之福帝曰我自樂此不為疲也紀

光武皇帝受命中興羣雄雲擾旌旗亂野東西誅戰不遑啓處然猶投戈講藝息馬論道至孝明皇帝兼

三十一

下二

天地之姿用日月之明庶政萬機無不簡心而垂情古典游意經藝每饗射禮畢正坐自講諸儒並聽四方欣欣雖闕里之化矍相之事誠不足言又多召名儒以充禮官如沛國趙孝琅邪承宮等或安車結駟告歸鄉里或豐衣博帶從見宗廟其餘以經術見優者布在廊廟故朝多皤皤之良華首之老每讌會則論難衍衍共求政化詳覽羣言響如振玉朝者進而思政罷者退而備問小大隨化雍雍可嘉期門羽林介胄之士悉混孝經博士議郎一人開門徒衆百數化自聖躬流及蠻荒匈奴遣伊秩些言王大車且渠來入就學八方肅清上下無事是以譏者每稱盛時咸

言永平

樊準傳

顯宗十歲能通春秋及立爲皇太子選求明經乃擢
亘榮弟子何湧將以尚書授太子世祖從容問湧本
師爲誰對曰沛國亘榮帝即召榮令說尚書使授太
子每朝會輒令榮於公卿前敷奏經書拜太子少傅
榮以太子經學成畢上疏曰太子以聰睿之姿通明
經義覽觀古今儲君副主莫能精專博學若此者也
臣師道已盡皆在太子謹使掾臣汜再拜歸道太子
報曰莊以童蒙學道九載而典訓不明無所曉識况
以不才敢承謨命顯宗即位尊以師禮 亘榮傳

中元元年初建三雍顯宗即位親行其禮饗射禮畢

世五

東漢書要一

二

京

帝正坐自講諸儒執經問難於前冠帶縉紳之人圜
橋門而觀者蓋億萬計 儒林傳序

肅宗即位下詔曰孝明皇帝博貫六藝不舍晝夜 紀

顯宗以亘郁先師子甚見親厚常居禁中論經書自

制五家要說章句令郁校定於宣明殿 亘郁傳

章帝之爲太子也受尚書於汝南張酺元和二年幸

東郡引酺及門生并郡縣掾史並會庭中帝先備第

子之儀使酺講尚書一篇然後修君臣之禮 張酺傳

肅宗降意儒術特好古文尚書左氏傳建初元年詔

賈逵入講北宮白虎觀南宮雲臺帝善逵說使發出

左氏傳大義長於二傳者逵於是條奏之 賈逵傳

和帝即位富於春秋侍中竇憲自以外戚之重欲令
少主頗涉經學上疏皇太后曰禮記曰天下之命垂
於天子天子之善成乎所習習與智長則切而不勤
化與心成則中道若性昔成王幼小越在襁保周公
在前史佚在後太公在左召公在右中立聽朝四聖
維之是以慮無遺計舉無過事孝昭皇帝八歲即位
大臣輔政亦選名儒韋賢蔡義夏夔勝等入授於前
平成聖德近建初元年張酺魏應石訓亦講禁中臣
伏惟皇帝陛下躬天然之姿宜漸教學而獨對左右
小臣未聞典義昔五更巨榮親為帝師子郁結髮崇
尚繼傳父業故再以校尉入授先帝父子給事禁省

更歷四世今曰首好禮經行篤備又宗正劉方宗室
之表善為詩經先帝所褒宜令郁方並入教授以崇
本朝光示大化由是郁遷長樂少府復入侍講巨郁傳
永元十三年正月帝幸東觀覽書林閱篇籍選術藝
之士以充其官紀

順帝即位巨焉授經禁中

趙典侍講禁內

威帝初巨彬為議郎入侍講禁中

張酺子蕃以郎侍講

楊秉為任城相以明尚書召入侍講

楊賜劉寬侍講華光殿中並本傳

初威帝為蠡吾侯受學於甘陵周福黨錮傳

靈帝好學自造皇義章而五十章蔡邕傳

獻帝頗好文學荀悅與或及少府孔融侍講禁中曰

夕談論

馬嚴勸學省中本傳

太學

建武五年一月營起太學車駕幸太學賜博士弟子

各有差洛陽記曰太學在洛陽城堽開陽門外去宮八里講堂長十丈廣二丈堂前石經四部

七年朱浮以國學既興宜廣博士之選乃上書曰夫

太學者禮義之官教化所興也陛下尊敬先聖垂意

古典宮室未飾干戈未休而先建太學造立橫舍比

三十三

卷之六十一

四

河水

日車駕親臨觀饗將以弘時雍之化顯勉進之功也

尋博士之官為天下宗師使孔聖之言傳而不絕舊

事策試博士必廣求詳選爰自畿夏延及四方是以

博舉明經唯賢是登學者精勵遠近同慕伏聞詔書

更試五人唯取見在洛陽城者臣恐自今以往將有

所失求之密邇容或未盡而四方之學無所勸樂凡

策試之本貴得其真非有期會不及遠方也又諸所

召試皆私自發遣非有傷費煩擾於事也語曰中國

失禮求之於野臣浮幸得與講圖識故敢越職帝然

之朱浮傳

十九年車駕幸太學會諸博士論難於前日祭被服

儒衣溫恭有緼藉辯明經義每以禮遜相厭不以辭
長勝人儒者莫之及特加賞賜又詔諸生雅吹擊磬
盡日乃罷 巨榮傳

和帝永元十二年三月壬子賜博士貢弟子在太學
者布人三匹 紀

十四年司空徐防上疏以爲漢立博士十有四家設
甲乙之科以勸勉學者伏見太學試博士弟子皆以
意說不修家法臣以爲博士及甲乙策試宜從其家
章句開五十難以試之解釋多者爲上第引文明者
爲高說若不依先師義有相伐皆正以爲非上從之

徐防傳

延光三年幸太學 紀

順帝永建六年將作大匠翟酺上言孝文皇帝始置
一經博士武帝大合天下之書而孝宣論六經於石
渠學者滋盛弟子萬數光武初興愍其荒廢起太學
博士舍內外講堂諸生橫卷爲海內所集明帝時辟
雍始成欲毀太學太尉趙意以爲太學辟雍皆宜兼
存故並傳至今而頃者頽廢至爲園採芻牧之麴且
更修繕誘進後學帝從之九月繕起太學更開拓房
室學者爲酺立碑銘於學云王酺傳

陽嘉元年以太學新成試明經下第者補弟子增甲
乙科員各十人除郡國耆儒九十人補郎舍人左雝

又奏召海內名儒爲博士使公卿子弟爲諸生有志操者加其俸祿又汝南謝康河南趙建年始十二名能通經雄並奏拜童子郎於是負書來學雲集京師

左雄傳

成帝延熹五年太學西門自壞襄楷上疏曰太學天子教化之宮其門無故自壞者言文德將喪教化廢也襄楷傳

靈帝熹平五年試太學生年六十以上百餘人除郎中太子舍人至王家郎郡國文學吏紀

光和五年十二月辛太學紀

獻帝初平四年十月太學行禮車駕幸永福城門臨

未後今更十一

六

余如

觀其儀賜博士以下各有差紀

昔三莽更始之際天下散亂禮樂分崩典文殘落及光武中興愛好經術未及下車而先訪儒雅採求闕文補綴漏逸先是四方學士多懷協圖書遁迹林藪自是莫不抱負墳策雲會京師范升陳元鄭興杜林衛宏劉昆豆榮之徒繼踵而集於是立五經博士各以家法教授易有施孟梁丘京氏尚書歐陽大小夏侯詩齊魯韓毛禮大小戴春秋嚴顏凡十四博士太常差次總領焉建武五年乃修起太學稽式古典邊豆干戚之容備之於列服方領習矩步者委中平其中中元元年初建三雍明帝即位親行其禮天子始冠

通天衣日只備法物之薦盛清道之儀坐明堂而朝
羣后登靈臺以望雲物袒割辟雍之上尊養二老五
更饗射禮畢帝正坐自講諸儒執經問難於前冠帶
縉紳之人圜橋門而觀聽者蓋億萬計其後復爲功
臣子孫四姓末屬別立學校搜選高能以受其業自
期門羽林之士悉令通孝經章句匈奴亦遣子入學
濟濟乎洋洋乎盛於永平矣建初中會諸儒於白虎
觀考詳同異連月乃罷肅宗親臨稱制如石渠故事
顧命史臣著爲通義又詔高才生受古文尚書毛詩
穀梁左氏春秋雖不立學官然皆擢高第爲講郎給
事近署所以網羅遺逸博存衆家孝和亦數幸東觀

覽閱書林及鄧后稱制學者頗懈時樊準徐防並陳
勸學之宜又言儒職多非其人於是制詔公卿妙簡
其選三署郎能通經術者得察舉自安帝覽政薄於
藝文博士倚席不講朋徒相視怠散學舍頽敝鞠爲
園蔬牧兒堯童至於新刈其下順帝感程璜之言乃
更脩黌宇凡所造拓二百四十房千八百五十室試
明經下第補弟子增甲乙之科負各十人除郡國耆
儒皆補郎舍人本初元年梁太后詔曰大將軍下至
六百石悉遣子就學每歲輟於鄉射月一饗會之以
此爲常白是遊學增盛至三萬餘生然章句漸踈而
多以浮華相尚儒者之風蓋衰矣黨人旣誅其高名

善士多坐流廢後遂至忿爭更相言告亦有私行金貨定蘭臺蔡書經字以合其私文熹平四年靈帝乃詔諸儒正定五經刊於石碑爲古文篆隸三體書法以相參檢立之學門使天下咸取則焉

儒林序

官邸學

明帝永平九年爲四姓小侯開立學校置五經師

四姓謂外戚樊氏郭氏陰氏馬氏諸子弟以非列侯故曰小侯

安帝元初六年鄧太后召和帝弟濟北河間王子男女年五歲以上四十餘人又鄧氏近親子孫三十餘人並爲開邸第教學經書躬自監試尚幼者使置師保朝夕入宮撫循詔導恩愛甚渥乃詔從兄河南尹

三十三

東漢會要一

八

余嵩

豹越騎校尉康等曰吾所以引納羣子置之學官實以方今承百王之敝時俗淺薄巧僞滋生五經衰缺不有化導將遂陵遲故欲褒崇聖道以正失俗傳不云乎飽食終日無所用心難矣哉今末世貴戚食祿之家溫衣美食乘堅驅良而面牆術學不識臧否斯故禍敗所從來也永平中四姓小侯皆令入學所以矯俗厲薄反之忠孝先公旣以武功書之竹帛兼以文德教化子孫故能東脩不觸羅網誠令兒曹上述祖考休烈下念詔書本意則正矣其勉之哉

右紀

馮都門學

初靈帝好學自造皇義篇五十章因引諸生能爲文

賦者本頗以經術相招後諸爲尺牘及二書鳥篆者皆加引召遂至數十人侍中祭酒樂松賈護多引無行趨執之徒並絀制鴻都門下喜陳方俗閭里小事帝甚悅之待以不次之位蔡邕上封事言古者取士必使諸侯歲貢孝武之世郡舉孝廉又有賢良文學之選於是名臣輩出文武並興漢之得人數路而已夫書畫辭賦才之小者康國理政未有其能陛下即位之初先涉經術聽政餘日觀省篇章聊以游意當代傳弈非以教化取士之本而諸生競利作者鼎沸其高者頗引經訓風喻之言下則連偶俗語有類俳優或竊成文虛冒名氏臣每受詔於盛化門差次錄

第其未及者亦復隨輩皆見拜擢既加之恩難復收改但守奉祿於義已弘不可復使理人及仕州郡昔孝宣會諸儒於石渠章帝集學士於白虎通經釋義其事優大文武之道所宜從之若乃小能小善雖有可觀孔子以爲致遠則泥君子故當志其大者光和元年遂置鴻都門學畫孔子及七十二弟子像其諸生皆勅州郡三公舉用辟召或出爲刺史太守入爲尚書侍中乃有封侯賜爵者士君子皆耻與爲列焉後又詔中尚方爲鴻都文學梁松江覽等三十二人圖像立贊以勸學者尚書陽球奏曰臣聞傳曰君舉必書書而不法後嗣何觀案松覽等皆出於微蔑斗

筭小人依憑世戚附託權豪併肩承睫徼進明時或
獻賦一篇或鳥篆盈簡而位升郎中形圖丹青亦有
筆不點牘辭不辯心假手請字妖僞百品莫不被蒙
殊恩蟬蛻滓濁是以有識掩口天下嗟嘆臣聞圖象
之設以昭勸戒欲令人君動鑒得失未聞孺子小人
詐作文頌而可妄竊天官垂象圖素者也今太學東
觀足以宣明聖化願罷鴻都之選以消天下之謗書
奏不省蔡邕陽球傳

郡國學

四海之內學校如林庠序盈門獻酬交錯俎豆莘莘
下舞上歌蹈德詠仁班固東都賦

古詩卷之十一

十

序已

建武六年李忠為丹陽太守忠以丹陽越俗不好學
乃為起學校習禮容春秋鄉飲選用明經郡中向慕
之李忠傳

明帝永平十年幸南陽召校官弟子作雅樂奏鹿鳴
帝自御埴篔和之以娛嘉賓紀

宋均調辰陽長為立學校本傳

寇恂為汝南太守修鄉校教生徒聘能為左氏春秋
者親受學焉本傳

衛颯為桂陽太守下車修庠序之教本傳

任延為武威太守造立校官自掾史子孫皆令詣學
受業復其徭役章句既通悉顯拔榮進之郡遂有儒

雅之士本傳

秦彭爲山陽太守崇好儒雅修明庠序每春秋饗射
輒修升降揖遜之儀本傳

鮑德爲南陽太守時郡學久廢德乃修起橫舍備俎
豆黼冕行禮奏樂又尊饗國老宴會諸儒百姓觀者
莫不勸服鮑昱傳

東漢會要卷第十一

東漢會要卷第十二

奉議郎武學博士臣徐天麟上進

文學中

國史

永平十五年明帝以所作光武本紀示東平王蒼因上光武受命中興頌帝甚善之

東平王傳

馬嚴與杜撫班固等雜定建武注記

嚴紀

明德馬皇后自撰顯宗起居注以去兄防參醫藥事曰吾不欲令後世聞先帝數親後宮之家故不著也

后紀

武帝時司馬遷著史記自太初以後闕而不錄後好

三三九

陸

事者或綴集時事然多鄙俗不足以踵繼其書班彪乃繼採前史傍貫異聞作後傳數十篇彪卒子固以彪所續前史未詳乃潛精欲就其業既而有人上書顯宗告固私作國史者有詔收固繫獄固弟超詣闕上書具言固所著述意顯宗甚奇之召詣校書部與睢陽令陳宗長陵令尹敏司隸從事孟異共成世祖本紀固又撰功臣平林新市公孫述事作列傳載記二十八篇帝乃復令終成前書綜其行事爲春秋考紀表志傳凡百篇固自永平中始受詔潛精積思二十餘年至建初中乃成當世甚重其書學者無不誦

誦焉

班固傳

曹世叔妻名昭班彪女也博學高才兄固著漢書其
八表及天文志未及竟而卒和帝詔就東觀藏書閣
踵而成之後又詔馬融兄續繼昭成之列女傳

永初中謁者僕射劉珍校書郎劉駒駘等著作東觀
撰集漢記因定漢家禮儀上言請張衡參論其事會
並卒而衡常歎息終成之及爲侍中上疏請得專
事東觀收檢遺文畢力補綴又條上司馬遷班固所
叙與典籍不合者十餘事又以爲王莽本傳但應載
篡事而已至於編年月紀災祥宜爲元后本紀又更
始居位人無異望光武初爲其將然後即真宜以更
始之號建於光武初爲書數上竟不聽及後之著述

東漢會要十二

二

休明

多不詳典時人追恨之 張衡傳

楊終受詔刪太史公書爲十餘萬言 太傳

元初五年平望侯劉毅以鄧太后多德政欲令早有
注記上書安帝曰皇太后正位內朝化流四海漢之
舊典世有記注宜令史官著長樂宮注聖德頌以敷
宣景耀帝從之 后紀

安帝時李尤受記與劉珣等俱撰漢記 李尤傳

永寧元年太后又詔珣與劉駒駘作建武以來名臣
傳 劉珣傳

應奉著漢書後序多所述載奉又刪史記漢書及漢
記二百六十餘年自漢興至其時凡七十一卷名曰漢

威帝元嘉中詔伏無忌與黃景崔寔等共撰漢記又
自采集古今刪著重要曰伏侯注上自黃帝下盡漢
質帝為八卷 伏湛傳

荀爽集漢成敗事可鑒戒者謂之漢語 本傳

蔡邕前在東觀與盧植韓說等撰補後漢記會遭事

流離不及得成因上書自陳奏其所著十意分別首

目連置章左 猶前書十志也律曆意第一禮意第二
樂意第三郊祀意第四天文意第五車

服意第六帝嘉其才有還本郡及誅董卓司徒王允收邕

付廷尉邕陳辭乞黥首刖足繼成漢史士大夫多矜

救之不能得太尉馬日磾馳往謂允曰伯喈曠世逸

三五六

東漢會要卷十一

三

三五六

才多識漢事當續成後史為一代大典且忠孝素著

而所坐無名誅之無乃失人望乎允曰昔武帝不殺

司馬遷使作謗書流於後世方今國祚中衰神器不

固不可令伎臣執筆在幼主左右既無益聖德復使

吾黨蒙其訕議日確遠而告人曰王公其不長世乎

善人國之紀也制作國之典也滅紀廢典其能久乎

邕遂死獄中允悔欲止而不及時年六十一縉紳諸

儒莫不流涕北海鄭元聞而歎曰漢世之事誰與正

之兗州陳留間皆畫像而頌焉其撰集漢事未見錄

以繼後史適作靈紀及十意又補諸列傳四十二篇

因李傕之亂湮沒多不存 蔡邕傳

盧植與蔡邕楊彪韓詵等並在東觀補續漢記盧植
獻帝好典籍常以班固漢書文繁乃令荀悅依左氏
傳體為漢紀三十篇詔尚書給筆札辭約事詳論辨
多美本傳

景祐元年秘書丞余靖言謹按後漢明帝詔班固
陳宗子敏孟冀作世祖本紀及建武時功臣列傳
後有劉瓛李充雜作建武以後至永初間紀傳又
命伏無忌黃景作諸王王子恩澤侯并單于西羌
地里志又邊韶崔寔朱穆曹壽作皇太后感傳百
官表及順帝功臣傳成一百一十四篇號曰漢記
嘉平中馬日磾蔡邕楊賜盧植續為東觀漢記吳

四

東漢會要卷十一

四

吳文

武陵太守謝承作漢書一百三十卷晉散騎常侍
薛瑩作漢記一百卷泰始中秘書丞司馬彪始取
衆說首光武至孝獻作續漢書又散騎常侍華嶠
刪定東觀記為後漢書九十七篇祠部郎謝沈作
後漢書一百二十二卷秘書監袁宏作一百卷至
宋宣城太守范曄益集諸家作十紀十志八十列
傳凡百篇十志未成曄被誅至梁世有劉劭劉昭
者補成之唐章懷太子賢招集當時學者右庶子
張太安洗馬劉訥言洛州司戶參軍韋希元學士
許叔牙成元一史藏諸周寶寧等同註范曄後漢
書儀鳳初上之詔付秘書省傳之至今

圖書校讎

東觀學者稱為老氏藏室道家蓬萊山賈章傳

藏書劉曾大家傳 蘭臺百官志蘭臺令史掌奏及工部大書

石室李固傳陛下宜開石室陳圖書 秘館賈逵傳

秘書儒林傳序 中書盧植傳

秘書監成帝置官 東觀郎李尤傳

校書郎馬融傳 校書郎班固傳

光武遷還洛陽其經牒秘書載之二千餘兩自此以後參倍於前儒林序

班固永平中為郎與傅毅賈逵同校秘書本傳

賈逵明左氏傳國語為之解詁五十一篇永平中獻

之顯宗重其書寫藏秘館拜為郎與班固並校秘書

本傳 建初二年賜東平王蒼秘書列山圖道術秘方本傳

和帝永元十三年正月帝幸東觀覽書林閱篇籍和帝

選術藝之士以充其官紀 鄧太后自入宮掖從曹大家受經書兼天文算數畫

省王政夜則誦讀而患其謬誤懼乖典章乃博選諸

儒劉珍等及博士議郎四府掾史五十餘人詣東觀

讎校傳記事畢奏御賜萬帑各有差又詔中官近臣

於東觀受讀經傳以教授宮人左右習誦朝夕濟濟

后紀

安帝永初四年帝以經傳之文多不正定乃選通儒

謁者劉瓛與校書郎劉駒駱馬融及五經諸子傳記

百家藝術整齊脫誤是正文字本紀及蔡倫劉瓛傳

太僕鄧康薦實章入東觀為校書郎實章傳

順帝永和元年詔伏無忌與議郎黃景校定中書五

經諸子百家藝術伏湛傳

成帝延熹平四年蔡邕拜郎中校書東觀以經籍去

聖文遠文之失誤俗儒穿鑿疑誤後學乃與楊賜馬

日彈張紉韓詵單颺等奏求正定六經文字帝許之

邕乃日書冊於碑使工鐫刻立於太學門外於是後

儒晚學咸取正焉及碑始立其觀視及摹寫者車乘

日千餘兩填塞街陌蔡邕傳 碑記曰太學講堂前

行尚書周易公羊傳十六碑存十二碑毀南行禮記

十五碑悉損壞東行論語二碑毀禮記碑上有諫議大

夫馬日碑議盧植上書願得能書生二人共詣東觀

就官財糧專心研精合尚書章句考禮記失得裁定

聖典刊正碑文歲餘拜議郎與馬日碑蔡邕揚彪韓

說等並在東觀校中書五經記傳補續漢記盧植

吳恢欲殺青簡以寫經書子祐諫乃止吳祐傳

杜林嘗得漆書古文尚書一卷獨寶愛之每遭困厄

自以不能濟於衆也猶握抱此經獨歎息曰古文之

學將絕於此耶濟南徐兆衛密更受林以前所得一

卷古文尚書林曰林危阨西州時常以為此道將絕

何意二生復得之耶此道不墜於地矣

表紀

董卓遷都關中王允悉收斂蘭臺石室圖書秘結要者以從既至長安皆分別條上集漢朝舊事所當施用者一皆奏之經籍具存允有力焉

王允傳

董卓移都之際吏民擾亂自辟雍東觀蘭臺石室宣明鴻都諸藏典策文章競共剖散其練帛圖書大則連爲帷蓋小乃制爲膝囊及王允所收而西者裁七十餘乘道路艱遠復棄其半矣後長安之亂一時焚蕩莫不泯盡焉

儒林傳

經學

自光武中年以後干戈稍戢專事經學自是其風

東漢書要十二

七

江表

篤焉其服儒衣稱先王遊庠序聚橫塾者蓋布之於邦域矣若乃經生所處不遠萬里之路精廬暫建羸糧動有千百其耆名高義開門受徒者編牒不下萬人皆專相傳祖莫或訛雜至有分爭王庭植朋私里繁其章條穿求崖穴以合一家之說故揚雄曰今之學者非獨爲之華藻又從而繡其擊輓夫書理無二義歸有宗而碩學之徒莫之或徙故通人鄙其固焉又雄所謂饒饒之學各習其師也且觀成名高第終能遠至者蓋亦寡焉而迂滯若是矣然所談者仁義所傳者聖法也故人識君臣父子之綱家知違邪歸正之路自威靈之間君道秕僻朝綱日陵國隙屢啓

自中智以下靡不當其崩離而權彊之臣息其闕盜之謀豪俊之夫屈於鄙生之議者誦先王言也下畏逆順執也至如張溫皇甫嵩之徒功定天下之半聲馳四海之表俯仰顧盼則天業可移猶鞠躬晉主之下狼狽折札之命散成兵就繩約而無悔心暨乎剝撓自極人神數盡然後羣英乘其運世德終其祚跡衰敝之所由致而能多歷年所者斯豈非學之效乎故先師垂典文寢勵學者之功篤矣切矣

儒林論

光武中興未及下車先訪儒雅四方學士雲會京師范升陳元鄭興杜林衛宏劉瓛巨榮之徒繼踵而集於是立五經博士各以家法教授易有施孟梁丘京氏尚書歐陽大小夏侯詩齊魯韓毛禮大小戴春秋嚴顏凡十四博士太常差次總領焉

儒林傳

祭遵奏置五經大夫

本傳

章帝建初八年詔曰五經剖判去聖逾遠章句遺辭乖疑難正恐先師微言將遂廢絕非所以重稽古求道真也其令羣儒選高才生受學左氏穀梁春秋古文尚書毛詩以扶微學廣異義焉

續

自秦焚六經聖文埃滅漢興諸儒頗修藝文及東京學者亦各名家而守文之徒滯固所稟異端紛紜互相詭激遂令經有數家家有數說章句多者或乃百餘萬學徒勞而少功後世疑而莫正鄭元括囊大典

網羅衆家刪裁繁誣刊改漏失自是學者略知所歸
仲尼之門不能過也及傳授生徒並專以鄭氏家法
云鄭元論

永元十四年司空徐防以五經久遠聖意難明宜爲
章句以悟後學上疏曰漢承亂秦經典廢絕本文略
存或無章句收拾缺遺建立明經博召儒術開置太
學孔聖既遠微旨將絕故立博士十有四家設甲乙
之科以勉勸學者所以示人好惡改敝就善者也伏
見太學試博士弟子皆以意說不修家法私相容隱
開生姦路每有策試輒興諍訟議論紛錯互相是非
不依章句妄生穿鑿以遵師爲非義意說爲得理輕

侮道術寔以成俗誠非詔書實選本意臣以爲博士
及甲乙策試宜從其家章句開五十難以試之解釋
多者爲上第引文明者爲高說若不依先師義有相
伐皆正以爲非五經各取上第六人論語不宜射策
雖所失或久差可矯革詔書下公卿皆從防言 本傳

五經諸儒

馬融字季長初京兆摯恂以儒術教授名重關西融
從其遊學博通經籍才高博給爲世通儒教養諸生
常有千數涿郡盧植北海鄭元皆其徒也著三傳異
同說注孝經論語詩易三禮尚書列女傳老子淮南
子離騷

井丹字大春少受業太學通五經善談論故京師爲語曰五經紛紛井大春

許真字叔重少博學經籍時人爲之語曰五經無雙許叔重真以五經傳說臧否不同於是撰爲五經異義傳于世

蔡元字叔陵學通五經門徒常千人其著錄者萬六千人順帝召拜議郎講論五經異同甚合帝意

鄭元字康成少造太學受業師事京兆第五元先始通京氏易公羊春秋三統歷九章術又從東郡張恭祖受周官禮記左氏春秋韓詩古文尚書西入關因涿郡盧植事於風馬融初中興之後范升陳元李育賈逵之徒爭論古人後馬融荅北地太守劉瓌及元荅何休義據通深由是言學遂明

盧植字子幹少與鄭元同事馬融能通古今好學研精而不守章句作尚書章句三禮解詁並本傳

易家

前書云田何傳易授丁寬丁寬授田王孫王孫授沛人施讎東海孟喜琅邪梁丘賀由是易有施孟梁丘之學又東郡京房受易於梁國焦延壽別爲京氏學又有東萊費直傳易授琅邪王橫爲費氏學本以古字號古文易又沛人高相傳易受子康及蘭陵毋將承爲高氏學施孟梁丘京氏四家皆立博士費高二

家未得立

施氏易 劉昆

孟氏易 袁安子京 注丹 任安 夏恭

梁丘易 范升 揚政 張興

京氏易 戴憑 孫期 魏滿 郎顛

樊英

建武中范升傳孟氏易以授揚政而陳元鄭眾皆傳費氏易其後馮融亦為其傳融授鄭元元作易注荀爽又作易傳自是費氏興而京氏遂衰

尚書家

前書三濟南伏生傳尚書授濟南張生及二乘歐陽

二八一

東漢會要二

十一

丁和

生歐陽生授同郡兒寬寬授歐陽生之子世世相傳至曾孫歐陽高為尚書歐陽氏學張生授夏竦都尉都尉授族子始昌始昌傳族子勝為大夏侯氏學勝傳從兄子建建別為小夏侯氏學三家皆立博士又魯人孔安國傳古文尚書授都尉朝朝授膠東庸譚為尚書古文學未得立

歐陽尚書 歐陽歆 牟長 宋登 尹敏

楊震 巨榮 丁鴻 張興

大夏侯尚書 張紉 賈逵 牟融

小夏侯尚書 王良

古文尚書 周防 孔僖 揚倫 杜林

中興北海牟融習大夏侯尚書東海王良習小夏侯
尚書沛國巨榮習歐陽尚書榮世習相傳授東京最
盛扶風杜林傳古文尚書林同郡賈逵爲之作訓馬
融作傳鄭元注解由是古文尚書遂顯于世

詩家

前書魯人申公受詩於浮丘伯爲作訓詁是爲魯詩
齊人轅固生亦傳詩是爲齊詩燕人韓嬰亦傳詩是
爲韓詩三家皆立博士趙人毛萇傳詩是爲毛詩未
得立

魯詩 高詡 包咸 魏應 陳重

齊詩 伏恭 任末 景鸞

三十九

東漢會要卷二

十二

七

韓詩 薛漢 召糾 楊仁 趙彞 李恂

毛詩 衛宏

中興後鄭眾賈逵傳毛詩後馬融作毛詩傳鄭元作
詩箋

禮家

前書魯高堂生漢興傳禮十七篇後瑕丘蕭奮以授
同郡后蒼蒼授梁人戴德及德兄子聖沛人慶普於
是德爲大戴禮聖爲小戴禮普爲慶氏禮三家皆立
博士孔安國所獻禮古經五十六篇及周官經六篇
前後傳其書未有名家中興已後亦有大小戴博士
雖相傳不絕然未有顯於儒林者建武中曹充習慶

氏學傳其子襄遂撰漢禮事在襄傳

大戴禮

小戴禮 鄭元

慶氏禮 曹充 曹褒 董鈞

中興鄭眾傳周官經後馬融作周官傳授鄭元元作周官注元本習小戴禮後以古經校之取其義長者故為鄭氏學元又注小戴所傳禮記四十九篇通為三禮焉

春秋家

前書齊胡毋子都傳公羊春秋授東平嬴公嬴公授東海孟卿孟卿授魯人眭孟眭孟授東海嚴彭祖魯人顏安樂彭祖為春秋嚴氏學安樂為春秋顏氏學又瑕丘江公傳穀梁春秋三家皆立博士梁太傅賈誼為春秋左氏訓詁授趙人貫公

公羊嚴氏春秋 丁恭 周澤 鍾興 甄宇

樓望 程曾 樊儵 張霸

張楷

公羊顏氏春秋 張元 李育 何休

穀梁春秋

左氏春秋 鄭興 鄭眾 陳元 賈徽

賈逵 服虔 穎容 謝該

李封 吳祐

建武中，鄭興陳元傳春秋左氏學，時尚書令韓歆上疏欲爲左氏立博士，范升與歆爭之未決，陳元上書訟左氏，遂以魏郡李封爲左氏博士。後群儒蔽固者數廷爭之，及封卒，光武重建衆議，而因不復補。

東漢會要卷第十二

